


Trevor Eman (Team Aruba) Number 1 Qualifier y a bay te final



ORANJESTAD- Siman pasa Bradenton Motorsports Park lo mester tabata pa Trevor y Team Aruba solamente un lugar unda pa haci algun prueba y ahustenan necesario riba nan Pro Stock den preparacion pa locual ta pinta di ta bay un hopi bon y largo aña 2009 pa Team Aruba. Sin embargo e condicionan tabata hopi bon y a descubri cu nan Pro Stock ta fit perfectamente den e Categoria di "Pro Street" cu lo ta coriendo durante e US Street Nationals na Bradenton January 24 y 25. Tur esaki como parti di e South East Division Championship. E categorianan ta habri pa auto nan cu motornan denomina Naturally Aspirated mountain motors (cu carburators solamente), Nitrous motors como tambe locual ta domina e Categoria

esta motornan cu Blowers. A scohe pa participa den e competencia di Pro Street pa por probecha di algun test run mas, algun qualifying passes y cu un tiki suerte tambe bay algun round di eliminación, tur esaki contribuyendo na extra "Seat Time" pa Trevor. Ningun momento y sigur no asina tempran den e temporada por a spera cu Trevor diripiente lo a sa di qualify Number 1 cu un tempo di 4.11 na 175.6 MPH. Esaki mas cu tur a sorprende e contrincantenan cu a spera cu e dominio lo a bini di e motornan cu Nitrous of esnan cu Blowers. Consistencia a hunga un rol importante cu a conduci na e baymento pa final pa Trevor. Si considera cu solamente e hecho di a qualify lo tabata un honor grandi, yega final

especialmente contra algun di locual por wordo yama "Pro Modifieds" ta un hazaña increíble Trevor a bay final hustamente contra un Blown Motor di Mike Hill kende a logra un tremendo 4.11 contra Trevor cu un 4.15 y un margen di ganancia di apenas 36 thousands di un seconde resultando den un di e caredanan side by side mas espectacular cu a wordo presencia e weekend ey. Pa ta mas specifico, Mike su 4.11 a empata e best qualifying pass di Trevor y Team Aruba.

Den e proximo simannan Team Aruba lo sigui cu testmento y fine tuning di nan Pro Stock den preparacion pa un schedule basta pisa di IHRA. Nan miras ta no solamente mehora nan posición Number 14 pero den proceso logra pone man riba un tan codicia "Iron Man". Aña 2009 lo muestra di ta mucho mas largo, cu miles di miyas cu mester wordo cori y cu trabounan birando mas pisa y mucho mas sacrificianan cu lo bira necesario. Tur esakinan ta wordo hasi cu un solo meta y esey ta pa sera mundo conocí cu tur locual nos ta ofrece como nos pais. Hopi speranza pero tambe un expectativa grandi ta compaña nos orguyonan. Aruba completo ta uni pa desea Trevor y Team Aruba tur sorto di suerte den aña 2009 y cu pronto boso soñonan keda realiza.